



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 412
fax. +387 33 726 414
e – mail: info@voda.ba

Broj: **UP-I/25-2-40-365-4/21**
Datum: **15.10.2021. god.**

«Agencija za vodno područje rijeke Save» Sarajevo rješavajući po zahtjevu «Agencije za vodno područje rijeke Save» Sarajevo podnesenom putem „Sektora za realizaciju investicionih projekata“, za izdavanje vodne saglasnosti za uređenje korita rijeke Sanice, na području općine Ključ, na osnovu člana 114., a u vezi sa članom 109. stav (1) tačka 14. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 49/99),
d o n o s i

R J E Š E N J E **o vodnoj saglasnosti**

1. Investitoru, «Agenciji za vodno područje rijeke Save» Sarajevo daje se vodna saglasnost za uređenje korita rijeke Sanice, na potezu od mosta u naselju Vrelo do ušća rijeke Korčanice, u dužini cca 1000m, po projektnoj dokumentaciji pod nazivom:
Glavni projekat broj: 57-IB-G/18, «Uređenje korita rijeke Sanice od mosta u naselju Vrelo do ušća rijeke Korčanice», urađen od strane „Ibis“ d.o.o. Zavidovići, juli 2018. godine.
2. Vodna saglasnost se donosi na osnovu pregleda projektne dokumentacije iz tačke 1. dispozitiva ovog Rješenja, koja se ovjerena vraća podnosiocu zahtjeva na trajno čuvanje i čini sastavni dio ovog Rješenja, a ista će se koristiti u postupku pribavljanja odobrenja za građenje.
3. Dostavljeni Glavni projekat je revidovan i urađen u skladu sa osnovnim uslovima iz Rješenja za prethodnu vodnu saglasnost broj: UP-I/25-1-40-192-5/21 od 24.05.2021. godine. Vodna saglasnost se donosi na temelju dostavljene projektne dokumentacije pod sljedećim uslovima:
 - 3.1. Izvođenje radova na uređenje korita rijeke Sanice vršiti u skladu sa ovjerenom projektnom dokumentacijom iz tačke 1. ovog Rješenja, tj. na način utvrđen u opisu tehničkog rješenja i tehničkih uslova izvođenja iz navedene projektne dokumentacije.
 - 3.2. Korisnik je dužan da uredno vodi dnevnik rada sa tačno definisanim lokalitetima iskopa, dubini iskopa, izvađenim dnevnim količinama i svim ostalim podacima koji se uobičajeno vode kod ovakve vrste radova.
 - 3.3. Tačke početnog snimanja održavati u ispravnom stanju sve do izrade završnog elaborata i konačnog obračuna bilansa zemljanih radova, a za što je odgovoran izvođač radova i nadzorni organ imenovan od strane Investitora.
 - 3.4. Nosioc prava iz vodne saglasnosti dužan je u saradnji sa izvođačima radova i nadzornim organom prije početka radova riješiti način uklapanja (prelazne dionice) nivelete regulisanog korita u prirodno korito na predmetnoj dionici (uklapanje u prirodno korito uzvodno i nizvodno od predmetne dionice), tako što će se bez značajnijih zahvata u prostoru moći pristupiti realizaciji narednih dionica regulacije korita, uz istovremeno zadovoljenje zahtjeva u pogledu zaštite od plavljenja.
 - 3.5. Prilikom izvođenja radova treba koristiti opremu i mašine koje su tehnički ispravne, bez curenja tečnih goriva, maziva, hidrauličkih ulja i sl.
 - 3.6. Investitor (korisnik vodne saglasnosti) je u obavezi da angažuje stručno lice sa osnovnim zadatkom kontinuiranog nadzora (praćenja i kontrole) nad provođenjem projektovanih aktivnosti na terenu.
 - 3.7. Predvidjeti da se sav nastali otpad prikuplja i zbrinjava izvan površina obuhvaćenih uticajem velikih voda, a u skladu sa važećim propisima o postupanju sa otpadom.
 - 3.8. Nakon završetka radova neophodno je radni pojas koji uključuje korito, inundacioni pojas i obale rijeke urediti i očistiti od gradilišnih objekata, mehanizacije i gradilišnog otpada.
 - 3.9. Planom organizacije gradilišta koje će se formirati u funkciji provođenja navedenih radova, treba osigurati da mjesta za smještaj građevinske mehanizacije, tečnih goriva i maziva budu locirana izvan nivoa velikih voda i na takvoj udaljenosti da ne mogu imati negativan uticaj na vodotok.

- 3.10. Ukoliko se cisterne i rezervoari s gorivom planiraju postaviti na gradilištu, iste je potrebno postaviti u prihvatne posude ili izvesti s dvostrukom stjenkom prema posebnim propisima i izvan zone uticaja na površinske i podzemne vode.
- 3.11. Sve kolizije sa postojećim infrastrukturnim objektima (instalacijama vodovoda i kanalizacije, elektro i sl.), na lokalitetu na kojem će se vršiti radovi obuhvaćeni ovom fazom uređenja korita rijeke Sanice, ukoliko do takvih situacija tokom izvođenja radova dođe, prethodno će se rješavati uz saglasnost mjesno nadležnog operatera koji upravlja tim objektima i instalacijama i isti će dati tehničke uslove za izvođenje ovih radova.
4. Ukoliko se izvođenjem radova na uređenju korita rijeke Sanice na predmetnom potezu ili drugim aktivnostima vezanim za predmetne radove prouzrokuju štete i naruši stabilnost korita, postojećih objekata i obala vodotoka ili nanese šteta trećim licima, podnosilac zahtjeva je obavezan uzroke nastanka štetnih promjena otkloniti, a nastale štete nadoknaditi.
5. U slučaju vanrednih situacija, havarijskih onečišćenja i drugih sličnih okolnosti koje bi nastupile u toku izvođenja radova i ugrozile kvalitet voda, obavezno izvijestiti nadležne organe i postupati po nalogu mjerodavnih institucija, te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
6. Investitor (korisnik vodne saglasnosti) ostaje u obavezi, kada period izvođenja radova bude tačno preciziran, da najmanje sedam dana ranije obavijesti SRD KLJUČ, koje je korisnik ribolovnog prava na ovom ribolovnom području, o početku izvođenja radova u koritu rijeke Sanice na predmetnoj dionici.
7. U periodu važenja ovog rješenja, izvođač radova je dužan provoditi sve mjere i aktivnosti propisane u dispozitivu ovog rješenja kao i uslove propisane od strane drugih nadležnih organa ukoliko isti nisu u suprotnosti sa uslovima iz ovog rješenja.
8. Ukoliko se pojavi višak materijala iz iskopa prilikom izvođenja zemljanih radova, a koji ne bude iskorišten za radove na uređenju obale na predmetnoj dionici, potrebno je isti odložiti na deponiju izvan vodnog dobra, a sve u skladu sa uputama Investitora, tj. korisnika ove vodne saglasnosti. Materijal koji ima svoju upotrebnu i tržišnu vrijednost (pijesak, šljunak...) koji će se pojaviti kod uređenja korita rijeke Sanice i čije količine su utvrđene kroz predmjer radova, treba obuhvatiti Ugovorom u skladu sa odredbama člana 19. stav (2) i (3) Uredbe o načinu dodjele prava za vađenje materijala iz vodotoka («Službene novine Federacije BiH», broj 58/15).
9. Korisnik vodne saglasnosti je u suradnji sa Općinom dužan da prije početka izvođenja radova riješi imovinsko pravne odnose na lokalitetu izvođenja radova, na mjestu formiranja privremenih gradilišta, pristupnim putevima i deponijama za odlaganje viška izvađenog materijala.
10. Vodna saglasnost prestaje da važi istekom roka od dvije godine od dana njene pravosnažnosti ukoliko do tog dana nije pribavljeno odobrenje za izvođenje predmetnih radova od strane nadležnog organa i započeti radovi.
11. Ovo rješenje o vodnoj saglasnosti može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Investitor, «Agencija za vodno područje rijeke Save» Sarajevo putem "Sektora za realizaciju investicionih projekata" Agencije, je podnio zahtjev dana 19.08.2021. godine za izdavanje vodne saglasnosti za uređenje korita rijeke Sanice, na potezu od mosta u naselju Vrelo do ušća rijeke Korčanice, u dužini cca 1000m, po projektnoj dokumentaciji pod nazivom: *Glavni projekat «Uređenje korita rijeke Sanice od mosta u naselju Vrelo do ušća rijeke Korčanice», urađen od strane „Ibis“ d.o.o. Zavidovići, juli 2018. godine.*

Uz zahtjev za izdavanje vodne saglasnosti dostavljena je slijedeća dokumentacija:

- Kopija Aktuelnog izvoda iz sudskog registra Općinskog suda u Sarajevu, broj: 065-0-RegZ-14-002716 od 21.04.2014. godine izdato od strane Općinskog suda u Sarajevu,
- Kopija obavještenja o razvrstavanju pravnog lica prema klasifikaciji djelatnosti, broj: 07-32.5-45391/12 od 11.12.2012. godine,
- Kopija uvjerenja o poreznoj registraciji, Porezna uprava FBiH - Kantonalni porezni ured Sarajevo, od 14.12.2012. godine,
- Kopija Rješenja o urbanističkoj saglasnosti broj: 03-19-1-383/21 od 09.08.2021. godine za planirane radove na „Uređenju korita rijeke Sanice od mosta u naselju Vrelo do ušća rijeke Korčanice“, izdato od strane Službe za prostorno uređenje, stambeno komunalne, imovinsko-pravne i geodetske poslove, Općine Ključ,
- Kopija zaključka o davanju uslovne saglasnosti SRD „Ključ“, broj: 50-SRD/21 od 19.07.2021. godine,

- Izjava Službe za prostorno uređenje, stambeno komunalne, imovinsko-pravne i geodetske poslove, Općine Ključ, broj: 03-19-1-383/21 od 23.08.2021. godine, da je u toku postupak rješavanja imovinsko pravnih odnosa (naknadno dostavljeno),
- Izjava Službe za prostorno uređenje, stambeno komunalne, imovinsko-pravne i geodetske poslove, Općine Ključ, broj: 03-19-2-800/21 od 08.10.2021. godine, da su riješeni imovinsko pravni odnosi za privremeno korištenje zemljišta u svrhu izvođenja radova na uređenju korita rijeke Sanice (naknadno dostavljeno),
- *Glavni projekat, broj: 57-IB-G/18, «Uređenje korita rijeke Sanice od mosta u naselju Vrelo do ušća rijeke Korčanice», urađen od strane „Ibis“ d.o.o. Zavidovići, juli 2018. godine.*

U provedenom dokaznom postupku koji je prethodio donošenju ovog rješenja utvrđeno je:

- Investitor je za potrebe izrade projektne dokumentacije za predmetno Uređenje korita rijeke Sanice od mosta u naselju Vrelo do ušća rijeke Korčanice angažirao projektnu kuću „Ibis“ d.o.o. Zavidovići, koja je uradila Glavni projekat: „Uređenje korita rijeke Sanice od mosta u naselju Vrelo do ušća rijeke Korčanice“, juli 2018. godine. Projektna kuća „Ibis“ d.o.o. Zavidovići posjeduje ovlaštenja za izradu projektne dokumentacije prema Pravilniku o uvjetima i kriterijima koje mora ispunjavati pravno lice za izradu dokumentacije na osnovu koje se izdaju vodni akti („Službene novine Federacije BiH“, broj 17/08 i 38/12);
- Da je od strane ove Agencije, rješenjem broj UP-I/25-1-40-192-5/21 od 24.05.2021. godine, izdana prethodna voda saglasnost u kojoj su propisani uslovi koje je projektant prilikom izrade projektne dokumentacije uvažio i u istoj priložio opise i nacрте uobičajene za ovaj nivo projektne dokumentacije:
 - o Preglednu i detaljnu situaciju projektnog rješenja za planirane radova uređenja korita rijeke Sanice, razmjere 1:2000, sa pozicijom planiranih radova. U projektnoj dokumentaciji je priložen uzdužni profil u razmjeri 1:100/1000 i poprečni profili u razmjeri 1:100;
 - o U sklopu Glavnog projekta, koji je revidovan i usvojen od strane Sektora za realizaciju investicionih projekata, obrađeno je rješenje uređenje korita rijeke Sanice, na potezu od mosta u naselju Vrelo do ušća rijeke Korčanice u ukupnoj dužini cca 2200m, računajući i četiri rukavca neposredno ispred ušća rijeke Korčanice. Za predmetni lokalitet usvojen je normalni profil sa oblogom od lomljenog kamena u nagibu 1:1,5, granulacijom kamene obloge $d_{sr}=25\text{cm}$. Rang zaštite od velikih voda nije definiran i cilj ovih zahvata je stabilizacija erodabilnih obala i smanjenje opasnosti od poplava okolnog područja.

Na osnovu priložene tehničke dokumentacije utvrđeno je da se u svrhu poboljšanja hidromorfološkog stanja vodotoka, dinamike prirodnog procesa tečenja i smanjenja opasnosti od nastanka šteta od poplava, na osnovu člana 109. stav (1) tačka 14., a u vezi sa članom 114. Zakona o vodama i članom 17., stav (1), tačka 13. Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH» broj 31/15, 55/19 i 41/20), valjalo riješiti kao u dispozitivu ovog rješenja.

UPUTA O PRAVNOM LIJEKU:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.


Žalba se podnosi neposredno pismeno ili preporučeno putem pošte ovom organu i taksira se sa 15,0 KM administrativne takse, prema tarifnom broju 3. Tarife Federalnih administrativnih.

Voditelj postupka:

Nihad Pezo, dipl.inž.građ.

Prilog: *Ovjerena dokumentacija: Glavni projekat broj: 57-IB-G/18, «Uređenje korita rijeke Sanice od mosta u naselju Vrelo do ušća rijeke Korčanice», urađen od strane „Ibis“ d.o.o. Zavidovići, juli 2018. godine.*

**Po ovlaštenju
Rukovodilac sektora za izdavanje
vodnih akata**



Haris Ališehović, dipl.inž.građ.

Dostaviti:

- «Agencija za vodno područje rijeke Save», Sektor 30 (Prilog);
- AVP Sava, ISV – Vodna knjiga
- Sektor 40, arhiva
- ⊗ oglasna ploča AVP – Sava